

桂  
洲  
詩  
集

桂洲詩集卷之第二十三

特進祿奉積寶襲李太師鄧書華蓋侯學士嘉溪夏言謨

一詩 七言絕句九十七首

答和一十一首

次崔都尉涉水金海韻

和答費鍾石 賜橄欖韻

答毛東塘三首

次張兩山方伯見寄二首

次未齋九日送酒韻

和張陽峰見示

次黃久菴韻二首

東贈一十四首

贈童秀夫

贈同年傅宰之休寧

賀內弟徐子升九品散官

招費民受不至三首

贈程朝言

贈陳思慎守上思州

贈彭巡檢高

贈南洲居士

次江午坡韻贈方相士二首

元夕前二日書似方二首

送別六十二首

送郭太史勿齋使廣西

與朱典史

呂汝德給舍使楚

王節推天質之寶慶

別鄭靈谷三首

送張中書電

送楊進士雷宰貴溪

送徐進士宰上饒

送陳大韶之遵化

送翟憲副兵備鄜州二首

送魏博士

送毛鳴岐赴嘉興

送楊孔和赴河州幕

送裴德充之滇南

送陳北所節推四首

送項簿子實之建陽

內弟徐子升南歸感而叙別四首

別周少叅時伯

葉御醫送母歸錢塘

送泮潭徐五四官

草堂贈別郭澄卿歸閩七首

別同年胡汝澄少叅赴蜀次方裳陵

韻四首

送南部黃員外名春二首

送喬同知之寧波

送諸縣史赴貴溪

送宋知事赴閩

送王君丞歙

送孫太守之鄭州

送鄒氏表姪

送朱光祿還天台併寄題靈谷書院

送人客杭州

別宗伯方齋先生之南都



送王員外仲行之南都

送傅司教

送謝尹致仕歸閩

送葉君宦海陽用李空同韻

送朱朝和年兄致政歸隱水竹閒居

送王仁六歸鉛山

送胡司務瀚歸省

送北澗周子歸永豐

送簡一溪巡撫河南

送世行弟南還

送桂通判之衡州

七言絕句九十七首

答和一十一首

次崔都尉涉冰金海韻

十里龍池一望平  
綠波渺渺化層冰  
人情止戒當春履  
我見霜晨已戰兢

和答費鍾石 賜橄欖韻

珍果中宵賜直廬  
鮮新風味故鄉如  
平生清苦憐司馬  
翠甕先分御席餘

答毛東塘三首

好懷聊爲故人開  
此日陽春蒲栢臺  
獨有江南江北意  
不如鴻鴈去還來

龍樓曉色五雲開  
明月高懸御史臺  
正向上林歌伐木  
鸞聲還逐鴈聲來

瘴雨蠻煙萬里開  
海邦民物覩春臺  
不須更立分茅柱  
重譯今看入貢來

次張兩山方伯見寄二首

兩山亭上鶴飛來  
細竹新松手自栽  
花未開時携酒琰  
儘教絲管急相催

竹牖松軒面面奇  
行看流水坐吟詩  
一杯栢葉春風裏  
想見山亭花滿枝

次朱齋九日送酒韻

柯亭旋種千竿竹劉井長依百尺槐我醉顧  
公池上酒紅蓮花間白蓮開

和張陽峰見示

畏人無計欲逃名末世難容直道行誰信從  
容鳳池裏春來惟有碧山情

次黃父菴韻二首

庭前黃葉曉無數知是西風昨夜還江上草  
堂松菊靜野人幽意獨相關

獨宿南宮秋意深  
起看晴日射霜林  
不應夜聽談天姥  
夢繞飛梁第一岑

東贈一十四首

贈童秀夫

卜居吾愛靈峰好  
何日能開綠野堂  
聞爾松灣近城郭  
定知歲晚結隣芳

贈同年傅宰之休寧

天馬行空故不羣  
赤霄毛骨困風塵  
如今百

里難淹爾早見花驄傍五雲

賀內弟徐子升九品散官

博帶義冠白練衣鳳樓前面拜  
恩輝清朝九品官人貴一命真堪畫錦歸

招費民受不至三首

江上新營白板扉春來車馬未全稀  
床頭斗酒能畱在日望湖南使者歸

鸞臺鳳閣詞臣貴王璽金函使者尊  
但聽歌

鍾醉華屋不教旌節駐柴門

春水樓船天上浮  
旁人錯認剡溪舟  
自緣薄劣非安道  
何得風流讓子猷

贈程朝言

程生作簿程鄉縣  
五嶺東南碧海頭  
想見琴樽春日好  
枕椰葉底叫鉤輈

贈陳思慎守上思州

鳳凰山勢入龍州  
曲曲明江繞郡流  
莫聽啼



猥驚絕域伏波銅柱壯千秋

贈彭巡檢高

丹霞歷歷武夷山翠嶺盤盤分水關北望故  
園三百里鳥鳴花發戍樓閒

贈南洲居士

幽人築室水中央坐見湖南碧草長桂色娟  
娟秋十里兩洲安得結隣芳

次江午坡韻贈方相士二首

勲業休言將相官歸來不改舊寒酸贈君二  
十年前句白首燈前一笑看

賜金囊滿不憂貧兀坐高齋靜養神宰相神  
僊俱不問願爲猷畝太平人

元夕前二日書似方二首

巾中白髮日慚多夢裏青山柰遠何主眷親  
恩俱未報幾時同得醉顏酡

辛苦風波十二年麟袍玉帶帝王前青山雙

塚松楸隔夜夜烏啼淚泫然

送別六十二首

送郭太史勿齋使廣西

王堂使者下鸞坡  
桂水灘江今不波  
明到南藩開帝勅  
百蠻齊唱太平歌

與朱典史

二十年前門下吏  
一官今日向閩中  
文書舊作同安簿  
爾也無教忝爾宗

呂汝德給舍使楚

日暮驅車出漢關  
虎符龍節照燕山  
春洲對酒遙憐汝  
黃鶴樓高壯客顏

王節推天質之寶慶

南宮今日初聞鴈  
楚客登堂正索詩  
渺渺洞庭春水外  
美人芳草共天涯

別鄭靈谷三首

白日風高對草亭  
主人皓首抱遺經  
朝回送

汝看堤柳却憶碧山雙眼青

聞說當年鄭草峰著書終歲學楊雄春來兩

度周坊過詩句猶存少保公

先少保象峰公與丘簡菴都憲

鄭草峰侍御二公友善周坊在神峰前乃二公所居草峰乃靈谷諸父也先公嘗過二公家有春來兩度過周坊之句因別靈谷感舊及之

布衣同試記暑年中歲絲蘿共綰牽遙望東

川喬木裏春風淒冷鳳臺煙

靈谷與子同辛酉小試乃內與

予先夫人詹氏兄弟也

送張中書電

爾去雲間幾日還  
錦衣今得慰慈顏  
十年京國風塵苦  
不負攜書別故山

送徐進士宰上饒

縣衙高傍靈峰麓  
春日僊鳬下紫清  
早晚絃歌聞百里  
上林花煖看遷鶯

送陳大韶之遵化

三屯營邊白冶山  
烽火夜照松亭關  
好鑄鐵

過三百萬飛以破虜開吾顏

送程憲副兵備鄜州二首

長夏辭燕西蜀行秦雲隴樹計關程鄜州見  
月如相憶定有新詩慰遠情

時聞虜騎寇三邊不見長纓繫左賢一舉旌  
旗沙塞靜捷書早報未央前

送魏博士

矯矯臨風玉樹姿驚袍長近鳳凰池明年相

憶知何處春洞碧桃開蒲枝

送毛鳴岐赴嘉興

故家文采古人風奔走江南小吏中  
莫厭塵埃嗟作簿紫陽夫子拜官同

送楊孔和赴河州幕

三十年前白面郎長安相見鬢毛蒼  
無端且作蒼梧別聊贈南宮墨數行

送裴德充之滇南



碧鷄金馬昔曾遊  
萬里西南天盡頭  
君去莫言風土異  
邇來文獻似中州

送陳北所節推四首

丞相祠堂今已墟  
高風猶自振鄉閭  
大賢百世多芳裔  
愛爾頭顱與衆殊

奉使曾爲六詔行  
楚雄太守最高情  
乃翁曾遣使候

予南寧亦是遐方郡  
却喜循良有繼承

少時豪氣隘神州  
風浪章江共泊舟  
弘治辛酉予初

應試與北所同下第阻風章江門連日時北  
所弱冠予更少北所英氣逼人知爲奇士也  
三十五年如昨日獨憐李廣不封侯

灘江桂嶺隔秋烟壯士西乘萬里船聞說伏  
波銅柱好莓苔風雨自年年

送項簿子實之建陽

吳下清風滿蓮幕閩南好雨潤花封會向考  
亭瞻闕里同安千載仰高蹤

南弟徐子升南歸感而叙別四首

我從髫歲過高門耆老衣冠古俗存四十餘  
年一回首悲涼零落詎堪言

塵埃識我念而翁甘苦當年阿姊同貧賤糟  
糠都不忘可憐春夢竟成空

昔年病劇西樓下打鼓鳴鑼晝夜聞長記高  
堂雙白髮呌號能感趙將軍

燕京朔風吹客衣不忍送子獨南歸大王嶺  
下雙新塚淚酒秋雲作雨飛

別周少叅時伯

赤山霞起連赤城  
僊人白日升天行  
秋空一鶴南飛遠  
渺渺滄洲無限情

葉御醫送母歸錢塘

石峰峰下杏花林  
占得西湖春意深  
十載長安倦游客  
綵衣烏帽稱歸心

送泮潭徐四五官

喬木山中老故家  
春風曾一訪烟霞  
十年日

侍黃金殿只爲蒼生鬢已華

草堂贈別郭澄卿歸閩七首

三峰亭上芭蕉濕象麓堂前梅蕊香坐對疎  
燈同夜雨愁看孤棹入滄浪

歲晏移家薊水頭故人得共草堂幽山前桂  
樹含芳意江上梅花生遠愁

短榻夜連山館靜僊槎春逐海門浮因君忽  
引滄洲興九曲晚烟迷棹謳

萬竹蕭蕭一逕迴柴門深傍石溪開天寒正  
穩幽人卧穉子驚看佳客來

芒渚波光搖珮玉三峰雲氣護層臺酒醒月  
落客復去回首霜空猿嘯哀

送君南下武夷舟烏石鰲峰相對幽忽憶山  
中劉越石月明何處靜觀樓

天畔方巖橫海門螺江東接武夷源茅齋早  
結幔亭下早晚尋君九曲村

別同年胡汝誠少參赴蜀次方裳陵

韻四首

一燈呼酒話匆匆五載思君此夜逢  
明月草堂修竹裏不須絃管鬪春風

羣山浮靄弄春姿百丈牽江動柳絲  
三月樓船巴峽好猿聲客淚亦何爲

青春王貌使君賢仗節西川慰倒懸  
曾逐羌胡出榆塞至今邊士藉高眠

山亭二月野花多送客臨江聞棹歌黃鶴西  
飛幾時返白雲芳草漲春波

送南部黃員外名春二首

白鷺洲前春草生玄武湖邊秋月明法臺老  
吏夜按獄炯如一段冰壺清

闕下相逢臘雪前南遊恰是早春天鳳凰臺  
下春波綠柳暗秦淮花滿烟

送喬同知之寧波



丹山赤水句章成父老爭迎喬郡丞春日鑑  
湖湖草碧舊遊三十六年情

送諸縣史赴貴溪

水碧沙明溪接連草堂正對縣門前使君公  
暇能相訪種德橋邊有渡船

送宋知事赴閩

送爾入閩懷昔遊無因一上鼓山頭海濤下  
撼天風夜我欲坐看明月秋

送王君丞歙

黃少諸山何巖從縣衙遙望紫陽峰  
憐君作尉向茲土松下哦詩來遠風

送孫太守之鄭州

鄉里曾聞大司馬承家文采見雲孫  
鄭州定有循良政子產風流擬並存

送鄒氏表姪

沂陽故族稱鄒氏百世朱陳有舊盟  
春日正

饒桑梓夢題詩送爾不勝情

送朱光祿還天台併寄題靈谷書院  
曾聞海客談天姥清夢時時繞石梁何日青  
鞋訪靈谷春山同采紫芝長

送人客杭州

萬松嶺上題詩處長憶西湖又七年爾去錢  
塘春色好畫船簫鼓渺風煙

別宗伯方齋先生之南都

送行遙指鳳凰臺春日南宮花正開徒有高  
情滿江海對君聊復引深杯

送王員外仲行之南都

野水蒹葭白露秋美人渺渺隔汀洲大江明  
月青天杳濯足遙從萬里流

送傅司教

括蒼山色清於畫齋閣偏宜鄭廣文好買青  
田雙白鶴春風騎訪武夷君

送謝尹致仕歸閩

垂老東門學種瓜  
河陽猶識舊栽花  
白頭青眼長安道  
相對西風感歲華

烏石鰲峰懷昔游  
橋邊松竹小堂幽  
憐君歲晚還家好  
日日看山傍水鷗

送葉君宦海陽用李空同韻

豐城寶劍雙芙蓉  
神光夜飛天柱峯  
春濤二月起霹靂  
看爾一躍化爲龍

送朱朝和年兄致政歸隱水竹間居  
苦憶江南水竹村拂衣長笑出都門春風細  
雨清溪上轟轟龍頭看子孫

送王仁六歸鉛山

五月南風江草長坐憐楚客棹相將鷺湖山  
下秋田熟到日雞肥酒甕香

送胡司務瀚歸省

洛下高堂白髮明南宮長日望雲情燈前細

讀青州疏我愛君家好弟兄

送朱通判二首

昔年持節華容道佇望風煙渺洞庭判府新  
逢如舊識湖山相憶眼偏青

去歲山中新 賜第比蒙 改命郡城西經  
營正藉諸公力早爲高懸 御筆題

送北澗周子歸永豐

秋風相送重含情自古難今直道行茗水巴

江有遺頌他年青史見平生

送簡一溪巡撫河南

中城節鉞向中州楊柳依依蒲陌頭遙想行  
臺面嵩嶽青天白日大河流

送世行弟南還

北來北去太匆匆客舍長看寶劍雄轉眼春  
風花易發上林留待一枝紅

送桂通判之衡州



衡山高高湘水深憐君五馬獨南尋  
峯前鴻鴈猶能到湖草青時遲遠音

桂洲詩集卷之第二十三終

桂洲詩集卷之第二十四

特進光祿大夫太子太師鄭書華嚴寺學士賈溪夏言撰

詩 七言絕句六十六

寄懷七首

寄方水部惟立二首

寄江陰高少叅

寄河南朱少叅

寄姚子德

寄楊廷秀二首

寄內一首

春夕贈蘇內子

邊塞六首

青羊山雜興

時令一十七首

元日恭紀瑞雪詩五首

辛丑元旦 賜宴觀燈一十二首

物色一十一首

瑞雪七首

菊三種贈黃父菴

負樹二首

盆中紅梅

題詠一十七首

題吳門楊氏蘆瀝隱居追次宋潛溪

學士韻

寄題汪東峯虹井草堂

題星士閔東升梅花卷并次韻一十

一首

有序

書太倉侍郎鍾筠溪冊葉小畫

通惠河

畱題汪石潭環碧樓

題吳山泉杏園四燕圖

懷古一首

鄴城

慶賀三首

壽夢石顧翁八十

壽明威將軍許翁八十

寄賀江寶峰七十

悲悼三首

題井源別墅追悼項十二丈姻家

寄挽石川典膳

別王仲行因追悼乃叔伯安大司馬  
七言絕句六十六首

寄懷七首

寄方水部惟立二首

東郡趨庭記昔年同舟醉寫菊花篇故人白  
髮青山遠日日相思紫閣前

白草黃花晚翠堂綠衣堦下舞三郎峯巒窈  
窕溪流曲真是神僊住上方

寄江陰高少叅

鶴髮飄蕭海上翁  
別來二十二春風  
相思日長安客東望蓬萊煙霧中

寄河南朱少叅

二月長安雪尚飛  
黃河水泮鴈初歸  
揮毫正憶梁園客  
春日芳尊對紫薇

寄姚子德

中塢巖頭片石青  
一方剛可看吾亭  
題詩走



報南溪子來與三峯共勒銘

寄楊廷秀二首

聞爾卜築青山幽草堂正枕清溪頭玉墀有  
客勞夢想春水門前飛白鷗

介菴主人愛山居遶屋種樹陰扶疎耕鋤鑿  
飲本生事也須架有羲皇書

寄內一首

春夕贈蘇內子

燈花報喜向青春翠靨相看坐繡茵願得明珠擎掌上早教釋氏送麒麟

邊塞六首

青羊山雜興

冬行花園花不逢冰厓雪谷凍含風夜深把火書巖石山犬亂嗥明月中

鳥飛不到峯門腦旌旆遙凌十八盤可信太行天下脊直將滄海作杯看

桃園虹掄石棧連嘯巖哀壑蔽青天四時白  
日幾曾到積雪遙從太古年

青羊北接黃松嶺白果西連黑虎窰渤海不  
逢龔刺史杜陵空復哭陳陶

七子嶺頭安賊壘魯班壑底駐軍門空山自  
是狐狸穴白日誰教虎豹屯

山前勝果前朝寺頗愛磻磳百尺峯雲竇水  
從天外落毘盧塔下坐雙松

時令一十七首

元日恭紀瑞雪詩五首

紫極宮中北斗壇 帝揮神劍夜光寒  
玉杓 幹轉洪鈞氣散作瓊瑤萬國看

紫壇殿上日三朝 瞻望風雲北極高  
獻歲元辰飄瑞雪萬方和氣入春宵

元始靈篇太上文 琳琅聲振九天聞  
深宮秘禱民知否世世長瞻 萬歲君

蒼龍寶殿鬱嵯峨  
瓊苑瑤林瑞氣多  
元日紫垣春色裏  
小臣步雪拜迎和

無逸幽風亭殿深  
一盃春酒荷綸音  
瓊瑤蒲地知天賜  
造化真勞聖主心

辛丑元旦 賜宴觀燈一十二首

謝答玄禧慶典成  
天恩留眷賜觀燈  
陽和大布春風滿  
淑氣先從瑞雪凝

僊苑迴迴輦路長  
龍燈鳳炬散千行  
遙瞻

聖駕從天降翠盃歲粧寶扇光

彩結鰲山族錦叢銀花火樹炫晴空九天清  
蹕迴珂輦瞻望龍顏紫氣中

無逸殿頭陳管絃春風吹滿御爐煙瑤觴上  
壽天顏喜萬燭光中列綺筵

玉殿春宵侍衮衣瑤臺星月映輝輝承恩  
萬壽燈光下喜接天顏咫尺違

萬點燈毬合殿明彩霞堆裏散繁星千枝蓮

炬籠雲母五色虹光動水晶

金梁寶柱彩燈垂巧出天家分外奇  
點點星毬珠絡索團圓銀燭玉交枝

幽風亭上御筵開燈火笙歌雜選來一曲

昇平天下樂嵩呼齊獻萬年盃

宮前火樹散銀花天巧分明屬內家  
一架葡萄懸碧蕾千枝芍藥迸紅芽

虹光百道翠微間電掣雷轟疾往還  
銀鑰衝

開金瑣合火龍銜出玉連環

內苑燒燈慶上元微臣何幸捧堯尊丹心

願托春空月萬歲千秋奉主恩

春夕宸遊上下懽一人有慶兆民安卽

看萬國歌豐歲共仰玄禧降紫垣

物色一十一首

瑞雪七首

聖主祈靈敬格天虔求臘雪向春前皇穹竟



副皇心切萬里瓊瑤堆野田

仁和宮裏靜焚香寶炬瑤壇耿夜光  
碧瓦春前盈素雪喜將豐稔慶年芳

龍輿夜叩海神祠清蹕還宮月滿墀  
未到曉鐘飛瑞雪天心嘉與萬方知

宮漏泠泠欲五更瑤階拜首見飛霏  
忽聞絳節朝真罷皎鶴千羣下玉京

依依玉燭敞千門  
仁壽宮中賀  
至尊雪

裏朱衣增舞蹈老臣無力報乾坤

霏霏瑞雪滿農郊未到春風臘未消共向新年占大有萬方歌舞賀熙朝

金檢丹書奏帝回天風吹雪遍瑤臺紫垣玉樹千章合綠野瓊田萬里開

菊三種贈黃父菴

曉入園亭坐掩扉靜觀叢菊自相依殷勤把贈秋三色金紫重重王帶圍

覓樹二首

春來種竹頗經心  
曾見君家一樹金  
借我西園秋色好  
不須載酒許相尋

葉家塘上海榴花千葉層層絢彩霞  
乞取一枝栽象麓  
花開仍對野人誇

盆中紅梅

廿載長安不見梅  
一枝春向小盆開  
紅芳血殷瓊瑤色  
疑是桃源洞裏來

題詠一十七首

題吳門楊氏蘆漚隱居追次宋潛溪  
學士韻

烏目山前水一泓百年蘆漚自青青  
吳門舊識楊雄宅西蜀誰誇獨有亭

寄題汪東峯虹井草堂

虹井烟霞通紫陽東峯雲日照滄浪  
山人莫漫拋經濟只恐徵書到草堂

題星士閔東升梅花卷并次韻一十

一首

有序

病告兀坐西齋有故國之思適星士閔東  
升持梅花卷來索詩走筆爲二絕以塞其  
求少焉復出一卷袖中展玩則皆館閣諸  
公之筆因次其韻

春色經年故國思野情何意問南枝  
陌頭紅紫休相妬歷盡冰霜爾不知

三峯亭畔盤根古象麓堂前著莖斂系莫向長  
安覓春色東風先至野人門

次顧未齋

雪月梅花夜不分玉堂清興亂梨雲酒酣尚  
憶西湖卧清淺橫斜入夢覓

次許龍石

三年不見江頭雪故里青山應笑人此日題  
詩逢驛使明年先寄一枝春

次張亭谿二首

夏日西齋把筆頻憑誰  
歲晚寄花神蓬山實  
有羅浮夢玉骨當年照水濱

江城春月梅仍發  
細蕊穠花照水涯  
要辦枝頭調礪實  
玉龍湏向晚風吹

次張桂濱二首

它鄉幾度看春色  
作客年年苦憶歸  
稍待秋山桂花發  
片帆江上疾於飛

象麓堂前梅蕊多江門乘月晚仍過風塵此  
日顏殊厚孤負青林白石阿

次席虛山

孤山曾見一枝斜裊裊臨風玉貌嬌幾度亭  
中空索笑却從銀漢憶僊槎

次吳北川

半倚山顛半水涯薌溪溪上野人家別來幾  
日長安客孤負簷梅三度花



次徐少湖

冷蕤疎枝柰爾何  
丰神曾耐歲寒多  
而今懶索梅花笑  
花欲笑人青鬢皤

書太倉侍郎鍾筠溪冊葉小畫

凍合滄江雪滿舟  
一簑終日釣寒流  
曉來迷却蘆花渚  
錯認青山也白頭

通惠河

朝廷新開通惠河  
夾岸楊柳春風多  
太倉歲

輪四百萬日日城南聞棹歌

晉題汪石潭環碧樓

玉削夫容面面奇萬峯羅立碧參差謝公不  
著東山屐一日凭闌十二時

題吳山泉杏園四燕圖

杏花十里放春紅紫燕雙雙聞舞蜂正是狀  
元新宴罷醉騎驄馬玉樓東

懷古一首

鄴城

不見西陵舊築臺城南疑塚故累累奸雄老  
去豪華盡落日寒原生野哀

慶賀三首

壽夢石顧翁八十

僊翁夜夢蒼白石綠筋滿眼騰光晶吳門草  
堂應南極安知不是老人星

壽明威將軍許翁八十

將軍白髮氣如虹上馬猶堪臂挽弓可惜太  
平空矍鑠錦袍終日醉歌鍾

寄賀江寶峰七十

一別薊溪十五年聞君青鬢已皤然還山擬  
結耆英會先寫新書寄壽筵

悲悼三首

題井源別墅追悼項十二丈姻家

馬蹄曾過井坑源夜雨青山共酒尊處士高

情那可得忍看松竹翳柴門

寄挽汪石川典膳

先公門下識君時三十餘年老故知有客南  
來傳訃語東風揮涕一題詩

別王仲行園追悼乃叔伯安大司

陽明山色霧冥冥嶺海多年殞將星今對阿  
咸空灑淚乾坤兩眼爲誰青

桂洲詩集卷之第二十四終

杭州府通判  
羅尚綱重刻